

გადაწყვეტილება

N გ-21-7/376
24/06/2021

376-გ-21-1-4-202106241445



რადიომოყვარულ ევგენი მეზინისთვის რადიოელექტრონული საშუალებებისა და მაღალსიხშირული მოწყობილობების გამოყენებისათვის სახმობის მინიჭების შესახებ

საქართველოს კომუნიკაციების ეროვნული კომისია (შემდეგში „კომისია“) აღნიშნავს, რომ კომისიას განცხადებით (კომისიაში რეგისტრაციის № შ-21-9/2607, 16.06.2021) მიმართა ბელორუსიის რესპუბლიკის მოქალაქე ევგენი მეზინმა, საქართველოში მისი ვიზიტის (2021 წლის 20 ივლისი - 3 აგვისტო) პერიოდში, VHF დიაპაზონში სამოყვარულო რადიოსადგურის გამოყენებისთვის (ადგილობრივი გამეორებისა და დაბალი დედამიწის ორბიტის სამოყვარულო რადიო თანამგზავრების გამოყენებით SO-50, AO-27, AO-91 და AO-92, გამომავალი სიმძლავრით არა უმეტეს 5 ვატისა), დროებით სახმობის მინიჭების თაობაზე.

კომისია აღნიშნავს, რომ ევგენი მეზინს, ბელორუსიის რესპუბლიკის ელექტროკავშირის სახელმწიფო ინსპექციის მიერ გაცემული სარეგისტრაციო დოკუმენტის შესაბამისად, შეუძლია გამოიყენოს სამოყვარულო რადიოსადგური, იგი არის „B“ კატეგორიის რადიომოყვარული და მინიჭებული აქვს სახმობი EW1EM (ნებართვა შეესაბამება CEPT-ის 1 კლასს).

რადიომოყვარულ ევგენი მეზინის მიერ, სამოყვარულო რადიოკავშირები განხორციელებული იქნება საქართველოს სხვადასხვა წერტილიდან - თბილისი, მცხეთა, ვარძია, თელავი, ბორჯომი, ბათუმი, ფოთი, მარტვილის კანიონი, ქუთაისი.

„ელექტრონული კომუნიკაციების შესახებ“ საქართველოს კანონის 47¹ მუხლის პირველი პუნქტის, საქართველოს ზოგადი ადმინისტრაციული კოდექსის 54-ე მუხლის მე-2 ნაწილის და „საქართველოს კომუნიკაციების ეროვნული კომისიის საქმიანობის მარეგულირებელი წესების“ 51⁵ მუხლის პირველი და მე-6 პუნქტების და 51⁸ მუხლის მე-5 პუნქტის შესაბამისად, კომისიამ კენჭისყრის შედეგად ერთხმად

გადაწყვიტა:

1. მიენიჭოს რადიომოყვარულ ევგენი მეზინს სამოყვარულო რადიოსადგურის გამოყენებისთვის და დანართში (თან ერთვის) მითითებულ სიხშირულ დიაპაზონებში საქმიანობისთვის, სახმობი, ცხრილში აღნიშნული მონაცემების შესაბამისად **2021 წლის 20 ივლისიდან 3 აგვისტოს ჩათვლით:**

რეგისტრაციის №	რადიოსადგურის მფლობელი	რადიოსადგურის განთავსების ადგილი	სახმოზი	კატეგორია
T – 080	ევგენი მეზინი	თბილისი, მცხეთა, ვარძია, თელავი, ბორჯომი, ბათუმი, ფოთი, მარტვილის კანიონი, ქუთაისი	4L/ EW1EM	„B“

2. რადიომოყვარული ევგენი მეზინი, რადიომოყვარულთა საერთაშორისო გაერთიანების (IARU) მოქმედი ინსტრუქციების შესაბამისად, ვალდებულია დაიცვას ტელეკომუნიკაციების საერთაშორისო კავშირის (ITU) მიერ განსაზღვრული რადიოსამოყვარულო სამსახურის რეგულირების ზოგადი პრინციპები და ასევე სამოყვარულო რადიოსადგურით სამოყვარულო რადიოკავშირის განხორციელების წესები;

3. დაევალოს კომისიის აპარატის ადმინისტრაციას გადაწყვეტილების ევგენი მეზინესთვის გაგზავნა (ნ. ჯავახიძე) და კომისიის ოფიციალურ ვებ გვერდზე (www.comcom.ge) გამოქვეყნება (ნ. შოვნაძე);

4. გადაწყვეტილება ძალაში შევიდეს მიღებისთანავე;

5. გადაწყვეტილება შეიძლება გასაჩივრდეს ქ.თბილისის საქალაქო სასამართლოს ადმინისტრაციულ საქმეთა კოლეგიაში (ქ.თბილისი, დავით აღმაშენებლის ხეივანი № 64) ევგენი მეზინესთვის გადაწყვეტილების ჩაბარებიდან ერთი თვის ვადაში;


6. კონტროლი აღნიშნული გადაწყვეტილების შესრულებაზე დაევალოს კომისიის აპარატის სამართლებრივი დეპარტამენტის ავტორიზაციის და ლიცენზირების ჯგუფს (მ. ქადეიშვილი).

კახი ბექაური



თავმჯდომარე

ეკატერინე იმედაძე



წევრი

ნათია კუკულაძე

წევრი

